

# MELOMET LOTION 0.1% W/W

Mometasone Furoate (1mg)

## Apakah yang ada pada risalah ini

1. Apakah kegunaan MELOMET LOTION
2. Bagaimana MELOMET LOTION berfungsi
3. Sebelum menggunakan MELOMET LOTION
4. Cara menggunakan MELOMET LOTION
5. Semasa menggunakan MELOMET LOTION
6. Kesan-kesan sampingan
7. Cara penyimpanan dan pelupusan MELOMET LOTION
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan MELOMET LOTION

MELOMET LOTION digunakan untuk mengurangkan keradangan dan kegatalan yang disebabkan oleh keadaan yang tertentu pada kulit, termasuk kulit kepala, yang berkesan dirawat dengan ubat kortikosteroid.

## Bagaimana MELOMET LOTION berfungsi

MELOMET LOTION tergolong ke dalam kumpulan ubat kortikosteroid topikal. Mometasone furoate bertindak menentang keradangan, mengurangkan rasa gatal dan menyempitkan salur darah.

## Sebelum menggunakan MELOMET LOTION

- Bila tidak boleh menggunakan  
Jangan gunakan MELOMET LOTION jika anda alah terhadap mometasone furoate atau mana-mana bahan lain di dalam MELOMET LOTION ataupun terhadap ubat lain yang serupa dengannya. Tanya doktor atau ahli farmasi jika anda kurang pasti.

## - Sebelum mula menggunakan MELOMET LOTION

Anda harus beritahu doktor jika anda hamil atau sedang menyusukan anak dengan susu badan, sebelum anda menggunakan MELOMET LOTION.

- Jika mengambil ubat-ubat lain  
Beritahu doktor atau ahli farmasi jika anda sedang menggunakan krim, salap

atau losen lain ataupun jika anda sedang memakan ubat lain. Ini merangkumi ubat yang anda peroleh tanpa preskripsi di farmasi, pasar raya atau kedai makanan kesihatan.

## Cara menggunakan MELOMET LOTION

- Berapa banyak harus digunakan  
Gunakan MELOMET LOTION tepat-tepat seperti yang diarahkan oleh doktor. Tanyalah doktor atau ahli farmasi jika anda kurang pasti. Gosokkan beberapa titis MELOMET LOTION perlahan-lahan ke dalam kawasan kulit yang terjejas, termasuk kulit kepala, sehingga ubat itu diserap. Penggunaan kortikosteroid pada kanak-kanak hendaklah dihadkan kepada amaun serendah-rendahnya yang dapat memberikan kesan yang diingini.

- Bila perlu digunakan  
Sapukan MELOMET LOTION perlahan-lahan sekali sehari.

- Berapa lama perlu digunakan  
Gunakan MELOMET LOTION tepat-tepat seperti yang diarahkan oleh doktor. Tanya doktor atau ahli farmasi jika anda kurang pasti.

- Jika terlupa menggunakan  
Jika anda terlupa menggunakan losen ini pada waktu yang sepatutnya, gunakan sebaik sahaja anda ingat, kemudian teruskan seperti biasa.

## - Jika menggunakan berlebihan (terlebih dos)

Anda harus beritahu doktor jika anda menggunakan MELOMET LOTION lebih kerap daripada yang sepatutnya, ataupun pada kawasan kulit yang luas atau untuk terlalu lama, kerana kemungkinan krim ini meresap ke dalam kulit dan kemungkinan berlakunya kesan sampingan akan meningkat dan boleh menjejaskan beberapa hormon anda ataupun gula di dalam darah atau air kencing. Kesan-kesan ini lebih mudah berlaku pada bayi dan kanak-kanak kerana mereka mempunyai nisbah keluasan kulit kepada jisim badan yang lebih tinggi. Rawatan jangka panjang boleh melambatkan tumbesaran dan perkembangan mereka.

## Semasa menggunakan MELOMET LOTION

- Perkara yang perlu dilakukan  
Beritahu semua doktor dan ahli farmasi yang merawat anda bahawa anda sedang menggunakan MELOMET LOTION.

Jika kulit anda menjadi rensa atau sensitif selepas menggunakan MELOMET LOTION, berhenti menggunakannya dan beritahu doktor. Beritahu doktor jika anda rasa bahawa MELOMET LOTION tidak membantu penyakit anda atau jika penyakit pada kulit anda itu bertambah teruk.

Tanya doktor sebelum menutup bahagian yang dirawat dengan pambalut atau plaster.

Jika anda rasa anda terkena jangkitan pada kulit semasa menggunakan MELOMET LOTION, beritahu doktor kerana doktor mungkin perlu memberi anda ubat lain untuk digunakan. Beritahu doktor jika anda tidak menggunakan MELOMET LOTION seperti yang telah diarahkan, atas apa-apa sebab.

Jika tidak, doktor mungkin menganggap bahawa ubat ini tidak berkesan dan menukar rawatan anda sedangkan sebenarnya tidak perlu.

## - Perkara yang tidak boleh dilakukan

Jangan gunakan MELOMET LOTION di bawah pambalut luka yang tertutup rapat ataupun pada bahagian kulit yang luas kecuali diarahkan oleh doktor.

Jangan gunakan MELOMET LOTION di dalam mata atau berhampiran mata.

Jangan berikan MELOMET LOTION kepada orang lain, walaupun mereka mengalami keadaan yang sama seperti anda.

Jangan gunakan MELOMET LOTION untuk merawat penyakit lain kecuali diarahkan oleh doktor.

Doktor mempreskripsikan MELOMET LOTION khususnya untuk merawat penyakit yang anda hidapi ini. Jika anda menggunakannya untuk merawat penyakit lain, ubat ini mungkin tidak berkesan ataupun mungkin memburukkan penyakit itu.

# MELOMET LOTION 0.1% W/W

Mometasone Furoate (1mg)

## - Perkara yang perlu diberi perhatian

Jangan gunakan MELOMET LOTION pada bahagian kulit yang oklusif dan bergesel seperti pada ketiak atau di lipatan paha kecuali diarahkan oleh doktor.

Jangan gunakan KRIM MELOMET pada muka kecuali diarahkan oleh doktor.

Jika penyakit anda tidak bertambah baik selepas seminggu, beritahu doktor.

## **Kesan-kesan sampingan**

Sama seperti semua ubat lain, MELOMET LOTION boleh menyebabkan kesan sampingan, walaupun tidak semua orang akan mengalaminya.

Beberapa orang mungkin mengalami beberapa kesan sampingan yang berikut selepas menggunakan MELOMET LOTION:

- Tindak balas alergi (alahan) pada kulit
- Jangkitan sekunder
- Jerawat
- Radang folikel rambut
- Kulit menjadi nipis
- Tanda-tanda merah yang berkait dengan ruam panas
- Warna kulit menjadi pudar
- Rasa pedih
- Gatal-gatal
- Pertumbuhan rambut yang berlebihan
- Kulit menjadi lembut dan menampakkan tanda regang
- Penglihatan kabur

Kesan sampingan lain yang boleh berlaku apabila menggunakan kortikosteroid topikal ialah kulit menjadi renga, kulit menjadi radang disebabkan alahan sentuh, dan ruam di keliling mulut.

Jika mana-mana kesan sampingan menjadi serius, atau jika anda perhatikan kesan sampingan yang tidak tersenarai di dalam risalah ini, beritahu doktor atau ahli farmasi.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui

laman web [npra.gov.my](http://npra.gov.my) [*Consumers* → *Reporting Side Effects to Medicines (ConSERF) or Vaccines (AEFI)*].

## **Cara penyimpanan dan pelupusan MELOMET LOTION**

### - Penyimpanan

Simpan dalam bekas yang ketat dan di bawah suhu 30°C, elakkan daripada terdedah kepada cahaya dan kelembapan. Jauhkan daripada kanak-kanak. Jangan gunakan MELOMET LOTION selepas tarikh tamat tempoh yang tercetak pada bungkusannya.

### - Pelupusan

Jangan buang ubat bersama-sama air sisa atau sampah dari rumah. Tanya ahli farmasi tentang cara membuang ubat yang tidak diperlukan lagi. Langkah-langkah begini akan membantu memelihara alam sekitar.

## **Maklumat lanjut**

### - Rupa dan warna produk

MELOMET LOTION adalah losen yang tidak berwarna, dan cecair sedikit likat. MELOMET LOTION disediakan di dalam botol 30ml dan 75ml.

### - Bahan-bahan kandungan

Bahan aktif:

Setiap gram MELOMET LOTION mengandungi 1mg mometasone furoate.

Bahan tidak aktif:

Sodium Phosphate Monobasic Monohydrate  
Hydroxypropylcellulose  
Propylene Glycol  
Isopropyl Alcohol  
Phosphoric Acid  
Purified Water

### - Nombor MAL:

MAL22126042AZ

## **Pengilang dan Pemegang Pendaftaran Produk**

Y.S.P. Industries (M) Sdn. Bhd.  
Lot 3, 5, 7, 12 & 14, Jalan P/7,  
Section 13, Kawasan Perindustrian  
Bandar Baru Bangi, 43000 Kajang,  
Selangor, Malaysia.

**Tarikh kemaskini RiMUP**

11/04/2025

**Nombor Siri**

NPRA (R2) 21/171